

O Pleno da Corporación Provincial na súa sesión ordinaria do día 29 de maio de 2026 adoptou, entre outros, o seguinte acordo, que na súa parte dispositiva di:

8.8661.- **PROPOSICIÓN DA PRESIDENCIA PARA A MODIFICACIÓN DA RELACIÓN DE POSTOS DE TRABALLO DO PERSOAL EVENTUAL (EXPTES. 2026040781-2025070722)**

O Pleno, visto o ditame da Comisión Informativa de Transparencia, Réxime Interno e Facenda, acorda por maioría, cos votos a favor do PP e coas abstencións do PSdeG-PSOE e do BNG, aprobar a proposición da Presidencia relativa á modificación da relación de postos de traballo do persoal eventual, pola transformación dun posto de asesor/a de prensa nun posto de director/a de acción municipal e investimentos, cuxo contido é como segue:

“De conformidade co disposto nos artigos 104 e 104 bis da Lei 7/85, de 2 de abril, Reguladora das Bases de Réxime Local, 176 do RDL 781/86, de 18 de abril, polo que se aproba o Texto Refundido das disposicións legais vixentes en materia de réxime local, 12 do Real Decreto Lexislativo 5/2015, de 30 de outubro, polo que se aproba o Texto Refundido da Lei do Estatuto Básico do Empregado Público, e 29 a 31 e 201 da Lei 2/2015, de 29 de abril, de Emprego Público de Galicia, propónse modificar a relación de postos de traballo de persoal eventual, de confianza e asesoramento especial, para transformar un posto de asesor/a de prensa, nun posto de director/a de acción municipal e investimentos, equivalente a un subgrupo A1, co fin de reforzar e dar maior apoio ás liñas de actuación que derivan desta área de goberno.

Dita modificación implica a amortización do posto anterior e a creación dun novo posto, con distintas funcións e retribucións, o que se leva a cabo conforme ao seguinte detalle:

Posto anterior que se amortiza

Custo total por 6 meses	Retribución anual	Retribucións 6 meses	Seg. social 6 meses	Total 6 meses 2026
1 Asesor/a de prensa	48.467,17 €	24.233,59 €	7.701,44 €	31.935,02 €

Posto de nova creación

Custo total por 6 meses	Retribución anual	Retribucións 6 meses	Seg. social 6 meses	Total 6 meses 2026
1 Director/a de acción municipal e investimentos	65.699,95 €	32.849,98 €	10.439,72 €	43.289,70 €



Custo total por 6 meses	Retribución	Retribucións 6 meses	Seg. Social 6 meses	Total 6 meses 2026
Diferenzas	17.232,78 €	8.616,39 €	2.738,29 €	11.354,68 €

O aumento do custo salarial total para este ano 2026, por seis meses, ascende a 8.616,39 € en concepto de retribucións, e 2.738,29 € en concepto de seguridade social, cantidades que se imputaran ás aplicacións orzamentarias 26/912.9120.110.01 e 26/912.9120.160.02.

Na resolución de nomeamento indicárase o contido das funcións, tarefas ou labores encomendadas, propios dos servizos xerais da Corporación Provincial para a súa posterior inclusión na relación de postos de traballo da Corporación.

Esta retribución será actualizada en función do establecido na Lei de orzamentos xerais do Estado de cada ano.

Este acordo será publicado na forma prevista no apartado 5 do artigo 104 bis da LRBRL, e no portal de transparencia da Deputación en aplicación do artigo 8.1 f) da Lei 19/2013, de 9 de decembro, de transparencia, acceso á información e bo goberno, así como os respectivos nomeamentos do persoal eventual.

O Presidente da Deputación Provincial informará ó Pleno con carácter trimestral do número, características e retribucións do persoal eventual.”

O que lle comunico a Vde. para o seu coñecemento e efectos, coa salvidade que establece o art. 206 do RD 2568/86, de 28 de novembro.

Pontevedra, 29 de maio de 2026

José Antonio Gulías Varela

Secretario da Comisión Informativa de Transparencia, Réxime Interno e Facenda

(Documento asinado electronicamente)

